

Tèkruosès Kaliedas

Vuos tik pradiejos auštè kuožna rīta,
Kelous aš vāka lestè i muokīkla.
Vuo kètuo truobuo monès balaukos siorprīzos –
Luovuo bagolis sūnos, kon tik èš Airējès grižès!..

Akīs māta... čiopèniejo...
Švelnē galva gluostèniejo...
Tèkra – uns! Če – Duonatoks –
Mūsa bovès pagrondoks!

A gal pasaulie būtè da dèdiesnis džiaugsmos,
Kāp tievams sāva vāka pri šèrdèis prèglaustè,
Pajostè šèrdium plakonti artoma
È jausmūm banga, plūstontè pu kūna?!

Vuo – tuokès tor è būtè tèkruosès Kaliedas,
Ka nustomam i šuona vèsas biedas.
Ka vèsa šeimīna sied pri Kūtiūm stāla,
Vuo Dongaus Galībè praded rētuāla:

Pu meilès kèbèrkštelè èš šèrdèlès sāva
Kuožnos padedam ont balta stala
È, ligo lauža užkoram
Ton švènta Omžènībès rāta...

È kuožnuo truobuo rēk tuokè ratēlè,
Kor vèdorie ožsèdeg ta ognelè.
È tumet kuožnos tas ratielis sosējungs i grondi,
Katra sojungs jau mumis vèsus –
Tavi..., muni..., jouda Žemè... è barēbi Dongo...